

Na osnovu člana 33. i 66. Pravila Javne ustanove „Sarajevski ratni teatar SARTR“ (04-36-04.1-P-UO/23 od 17.04.2023.) a u vezi sa Pravilnikom o načinu prodaje i cijenama ulaznica i utvrđivanja kriterija za dodjelu pozivnica i besplatnih ulaznica Javne ustanove ( broj 04-36-02-UO/22 od 06.10.2022.) i Pravilnika o izmjenama i dopunama Pravilnika o načinu prodaje i cijenama ulaznica i utvrđivanja kriterija za dodjelu ulaznica Javne ustanove (broj 04-36-02.1-1/24 od 14.03.2024.), Upravini odbor Javne ustanove „Sarajevski ratni teatar SARTR“ na sjednici održanoj dana 14.03.2024.godine donosi

**PRAVILNIK**  
**o načinu prodaje i cijenama ulaznica i utvrđivanja kriterija**  
**za dodjelu pozivnica i besplatnih ulaznica**

- PREČIŠĆENI TEKST -

**Član 1.**

Ovim Pravilnikom se definiše visina cijena ulaznica za predstave Javne ustanove „Sarajevski ratni teatar – SARTR“ (u daljem tekstu: Teatar), popust na cijene ulaznica, kriterij za dodjelu besplatnih ulaznica i pozivnica za premijerne i reprizne predstave i koncerte na sceni Teatra.

**Član 2.**

Blok ulaznica za premijerne i reprizne predstave i koncerte sadrži od 50 do 200 ulaznica, zavisno od postavke scene i tribine za gledalište. Blokovi su numerisani i svaka ulaznica sadrži serijski broj.

Prodaja ulaznica se vrši na blagajni Teatra u vremenu od 10-14 sati i dva sata pred početak predstave na dan održavanja.

**Cijena ulaznica :**

| <b>Rb:</b> | <b>Program</b>   | <b>Cijena (KM)</b>     |
|------------|--|------------------------|
| 1.         | Premijera predstave  | 20,00                  |
| 2.         | Reprizna predstava   | 12,00                  |
| 3.         | Koncert  | 10,00 -20,00           |
| 4.         | Organizovane predstave za srednje škole i studente               | popust u visini od 50% |
| 5.         | Organizovane predstave za osnovne škole                          | popust u visini od 50% |
| 6.         | Organizovane predstave za grupe preko 20 osoba (redovna prodaja) | popust u visini od 50% |
| 7.         | Studentske ulaznice (uz index)                                   | popust u visini od 50% |

|    |  |                        |
|----|--|------------------------|
| 8. | Ulaznice za penzionere (uz ček od penzije) | popust u visini od 50% |
|----|--|------------------------|

### **Član 3.**

Minimalan broj osoba za organizovane predstave, van redovnog mjesečnog repertoara, je 60% od ukupnog broja mogućih mjesta za tu predstavu.

### **Član 4.**

Direktor Teatra pojedinačnom odlukom može cijenu karata utvrditi na drugačiji način (veću cijenu), a u zavisnosti od produkcijske i tehničke kompleksnosti izvođenja predstave. Ukoliko je izvođenje predstave sa repertoara Teatra humanitarnog karaktera, direktor može donijeti odluku da se sav prihod ostvaren od prodatih ulaznica preusmjeri za realizaciju humanitarne akcije.

### **Član 5.**

( 1 ) U izuzetnim slučajevima, odlukom direktora Teatra, određen broj ulaznica iz bloka za pojedine predstave može se podijeliti besplatno. Ukupan broj besplatnih ulaznica iznosi do 10 % od ukupnog broja ulaznica za predstavu, u pravilu sa repriznog repertoara.

( 2 ) Besplatne ulaznice se mogu dodijeliti u sljedećim slučajevima:

- osobama sa pozivnicama Teatra,
- uposlenicima Teatra, spoljnim saradnicima, autorima-učesnicima premijernih predstava,
- učenicima osnovnih i srednjih škola, studentima akademija i fakulteta, medijskim i poslovnim partnerima, u drugim slučajevima kada je to u interesu Teatra.

### **Član 6.**

Za premijerne predstave Teatra uobičajno je da se šalju pozivnice i na osnovu potvrđenog odgovora dodjeljuju se, u pravilu, po 2 ( dvije ) besplatne ulaznice za svaku pozivnicu. Odlukom direktora Teatra utvrđuje se lista pozvanih.

### **Član 7.**

Broj pozivnica i besplatnih ulaznica za premijerne predstave može biti veći od utvrđenog broja u članu 5. st. ( 1 ), ovog pravilnika, ali ne može biti veći od 50 pozivnica odnosno 100 ulaznica, o čemu odluku donosi direktor Teatra.

### **Član 8.**

Dan uoči predstave, ukoliko se utvrdi nedovoljna zainteresovanost publike, direktor Teatra može odlučiti da se podijeli i veći broj besplatnih ulaznica nego što je utvrđeno u stavu (1) člana 5.

### **Član 9.**

Direktor Teatra može odlučiti da se za pojedine predstave dodjeljuju samo pozivnice.

**Član 10.**

Ovaj Pravilnik stupa na snagu danom donošenja i počinje se primjenivati od 1.4.2024. godine. Pravilnik će se objaviti na web stranici i oglasnoj tabli Teatra.

Broj: 04-36-02.1-3/24

Sarajevo, 14.03.2024.godine

V.D. Predsjednika Upravnog odbora

Mirza Avdić